

摘藻堂四庫全書薈要

集部

欽定四庫全書薈要

集部

遵巖集卷六

四至

詳校官候補通政司經歷臣郭祚熾



欽定四庫全書薈要卷一萬七千六十一

集部

遵巖集卷四

明 王慎中 撰

五言律詩

辛卯元日二首

居正

王凝命履端帝發祥光華開上日玉帛走羣方

英符堯錄卿歌睹舜章青裳臨左个天子在明堂

候轉三陽泰天周一紀分緯纏占聚景日表應重輪建

寅夏時歷王正魯史文鴻恩將瑞氣四國奉歡欣

送呂思抑戶部之淮上三首

詔使發河陽仙郎惜暑香家臨京口郡節建海陵倉永  
後過全魯花時到下相蒼蒼葭葦外明月定相望

相見仍愁遠臨分益思親亦多傾蓋者誰是聽琴人駿  
骨何當市明珠且自珍翻飛未可料將子暫風塵

憐君宦隱處淮水日悠悠橘刺青書幌濤聲散郡樓元  
王餘館榭閼伯故林丘更有山阿賞還因桂樹留

南郊夏行二首

路轉妨旌折橋平度馬齊風花一水靜烟柳萬家迷目  
極心逾遠朋高酒共携前尋還有徑應是武陵谿  
物色繁初夏行行野望新村沙平送騎峰照遠明人出  
谷關幽事看雲減病身傳心同志者行樂及芳辰

張氏園庄宴集二首

地僻軒初集芳林賞不違杯傳浮蟻泛席換落花依凭  
檻千山出開籠一鶴飛莫言耽燕佚得笑百年稀

展席臨水曲移樽對苑沙翠分縈沼竹香到圍欄花歌

轉遊魚出舞嬌輕燕斜高懷猶未歇亭樹已昏鴉

天壇郭道士院

軒蓋凌晨集盤觴此地賒藥雲鮮五色瑶草粲三花  
簞挂清仙院蓬壺接帝家晚聞鳳吹咽疑度赤城霞

秋祀太學視宰

廩滌俵俵潔爐烟冉冉升視燎晨舉火司濯晝行冰  
衡福犧人警鸞刀膳宰能齋心嚴祇役共祀在明馨

宿澤上人房

投宿依山刹禪扉隱隱開清齋宜鳥語坐定見僧回竹  
動名香散鐘鳴清梵來因嗟在人世擾擾逐浮埃

翠華巖

振策凌絕巘尋幽到翠華昔聞晤真者曾此煉丹砂洞  
口液鍾乳崖陰燦寶花坐看天路近鸞思極烟霞

即席賦送張子使邊四首

奉使星辰遠行邊道路賒十旬常霧雨千里但風沙燧  
火防秋警旌旗閃日斜壯遊元夙志公出已忘家

張已去都

金史卷之二十一  
卷四  
下而攜  
內適至

邊報真聞汝國荒猶未休賑輸堠吏急節制大臣留蒿  
藿時能給干戈不自謀杞人有浩歎尊酒豈銷憂

寨險屯仍廢軍懸鎮亦孤陰風連大漠平莽避匈奴曠  
野惟多壘元戎盡剖符看君經畧者早上伏羌圖

漢世窮源使明時足餉臣黃河喧夜渡荒戍斷行人寶  
缺飛胡月征衣帶朔塵悲歌暮相對慷慨一傷神

郊興二首



四月西郊路物華淨客心遊情會滄海舉目見高岑  
秀平分隴蘭榮弱冒溽登高宜有賦況值暮鴉吟  
河曲孤村抱峯迴細路連飢鶯啼古寺浴鳥下晴川跡  
已市朝遠心將雲水玄真遊垂良晤心賞自悠然

寺宿二首

杖策吾來此幽棲亦自娛劇傷時序晚靜得琴尊俱  
抱畫簾入雲開紫閣孤無營禪共寂不寢鶴相呼

古寺依山寂停鞍對暮花霜鐘歸院鶴風柝集城鴉  
楓

落猶秋色菊殘有歲華山僧誰解汝吾分已塵沙

圓靜寺二首

身病登山健寺幽引興長聽鶯過別院歇馬傍疎塘竹  
散晴窓影花飄晚檻香高遊有如此誰肯戀紳裳

仄徑垂蘿密高崖葛葛長疎槐陰玉宇尺鯉躍金塘入  
殿齊僧禮開軒到妙香亦知絕地迥朱霧細沾裳

通真觀

桂闕晞青嶂花宮入紫雲金箱丹訣秘瑤界洞簫聞石

髓融融液爐烟裊裊薰須逢維嶺鶴接翼去人羣

宿通惠寺

寶地開龍象珠光布法筵風凝祇樹雪日麗梵花烟塵  
跡山將遠禪心月共玄淹留愛風景瀟灑夜分眠

再至功德寺與張水部偕二首

路諳能自至僧狎不須猜蔓藤猶覆院萋草已侵臺竹  
憐獨宿處花為再看來與君同避地得笑且銜杯

舊宿春初轉今來節載陰風烟殊歲色雲物異登臨問

松懷繫馬開閣戀披襟奔命兼行樂携遊倍賞心

登陂羅閣

閣峻看天墮湖平益勢孤風簾齊鐸響雲磴拂衣趨指  
顧極空濶風烟乍有無青眸依落日縹緲入皇都

香山寺留題釋宗林房二首

香山覽勝到絕徑捫蘿登眺迴雲烟異天低風露凝地  
幽防俗客清論接高僧朱纓自不謝福地何當仍

遠公違俗久清刹倚山巔抗宇承青靄開軒俯碧泉無

生空萬劫習靜定諸天長嘯逢顏色新詩與爾傳

山寺聞丘集齋下吏之報

漢柱我冠吏明廷簪筆臣疇恩寡黼袞抗疏逆龍鱗  
子拘幽日賈生痛哭辰小臣元觸冒天子自英神

病中黃制科明舉招不赴賦謝兼柬張諸暨

故人憐寂寞約我共襟期蘭席開玉樹桂醕泛金卮  
刻溪虛雪棹鳬舄阻雲逵頽卧幽齋裏春草長離思

柳湖亭讌遊二首

亭子水中洲蘭橈美載浮鷗翻當吹蘧魚躍近垂鈎折  
藕憐絲細探蓴愛乳流更言明月好中夜尚淹留

積水漾虛臺芳筵鏡裏開魚驚壺矢躍雲逐瑟絃迴遲  
月燒紅燭臨波洗綠杯不辭湛樂久未卜再能來

春雪左順門候牘東龔內翰二首

北地春仍雪西山曉出雲烟霏交彩仗風引裊爐薰蛟  
掌飛瓊箭鳳池碎玉紋兔園搦彤管詞翰正思君

鳴鳥趨丹禁飄飄雪灑衣樓雲低殿黑城旭弄墀輝玉

樹光初亂瑤花濕不稀  
侍臣迓清切沾珮啓黃扉

隆福寺與諸友人夜談因雨假宿三首

揚子談玄處問奇策騎過浮烟縈苑樹驟雨長窓蘿小  
隱情如此大觀道若何芳春飈欲暮莫自怨蹉跎

憐君避世者習靜碧雲隈遂有何顓興翻為孺子來  
譚經玉塵落倚瑟錦絃開夜深還說劍急雨助悲哀

春陰侵几杖夜雨靜琴觴虛院踈風入迴廊隱霧長坐  
淹高士榻眠擬定禪床不染神俱爽無言意已忘

送許進士應元知泰安州三首

才子初為政青春獨領州  
禮壇遺夾谷封社舊姑尤  
岱岳標方望長河背郭流  
無因贈魯縞為爾賦齊謳

高才美少年為吏即神仙  
入境花迎綬行春雨映旂  
漢時供奉邑魯國謝歸田  
化理今良牧何須倚昔賢

一顧小天下巍然登泰山  
日晞渤海谷風起穆陵關  
石室金書閔陽厓玉碣刊  
今皇功德盛東道預修壇

送曾汝誠給事使邊四首



馬嘶柳帳前使者欲行邊  
插羽黃金弭擐纓白玉鞭  
飛雲迷漢月積雪凍遼天  
燕將聞書泣君看魯仲連

太白壓遼城天狼照北平  
君王親用武節帥奉專征  
問罪馳輶入觀兵攬轡行  
當今將士怒歸及凱歌聲

授律及今時邀勲合有期  
漁陽新障敵涿鹿舊興師  
西日河水坼北風邊草衰  
蘆笳聲四起漢使也應悲  
慷慨一丈夫茲行君豈徒  
指揮調散卒談笑解彊圖  
古塞開新款全軍奏凱俘  
歸來謝天子得似傅甘無

七夕效梁體

靈駕中宵會明河一水遙緩波通聚語流月鑒離標環  
珮香風散綺羅絳雨消微歡還復罷枉用鵲為橋

壽毛礪菴閣老七十三首

八座尚書貴三長太史賢履聲霄漢上彩筆袞衣前日  
月憂時鬢風雲應壽編翩翩東海鶴來往紫芝田  
岡鳳輝難集垌麟跡自閒道聞姑射後身退五湖間春  
洞桃花實秋山桂樹斑岱宗東魯望巉絕更誰攀

十地丹丘合三山碧海望玄夷授玉笈王母奉金觴杖  
履東山社松筠綠野堂蒼生懸謝傅何日賁雲章

南苑三首

別館南城遷離宮左掖通標形霄漢上動景彩霞中雨  
知清道潤草為望恩豐上林徒欲賦才謝長卿雄  
城闕鬱崔嵬行遊信美哉栢園春殿長荷匝午亭開複  
道玉繩隱河流銀漢迴忽然異人世不覺在蓬萊

懸榜儼列仙通波繞御川雲疑駐鼎地風想鼓鐘年嵌

壑雲烟變連薨氣候偏即看避暑處何似漢甘泉

帝幸南苑三首

豫遊萬乘動慈悅兩宮和龍旂赤日轉鳳輦翠雲過暑  
避更衣殿春生浴鏡河千秋長奉壽歡樂宜云多

在囿靈臺啓橫汾離館開周王非獨樂漢武自雄材雨  
灑乘陽蹕山含進壽杯此時瞻華蓋拙疾謝嚴枚

天蹕應時康御筵矚苑芳開山金作嵌截海玉為塘睿  
跡元遊物王心亦戒荒離明相見日長養遂南方

題孫宮允園亭用馬司業韻三首

敞閣偏臨壑幽林復帶波  
葉繁棲鳳竹蔓結偃虬  
蘿吳樹三春暗江濤八月多  
更憐垂釣處鳬鶩靜烟簑

湘北藝蘭畹淮南叢桂山  
芳名誰並美詞客自高閒  
斲石璫為乳食芝玉作顏  
蓬壺如可涉他日許同攀

避地歌招隱耽幽此卜居  
詞華二陸後形勝六朝餘  
山鬼窺青管江妃扈赤書  
悠然東壁下宛掛兩銀魚

送人尹南海

昔日勾漏令尋仙亦繫官一紆青墨綬長就紫金丹君  
適朱方吏相期白日翰他時雙賜履遲爾五雲端

送人尹錢塘二首

王喬葉縣去仙令意悠哉烏向雲間下琴於江上開潮  
回宋帝國山坼越王臺枳棘淹文羽君非百里才  
佳麗古越州高峯湖水頭去為百里宰兼得六橋遊陶  
柳縈芳甸潘花匝綺洲期君東道主吾欲柁南舟

懷曾給事李郎中二子同時得罪被逮

感事已難堪懷賢更可歎憂來自不寐熱至亦忘寒欲  
棄班生筆深慚梅福冠同心忠信者一旦涉波瀾

偶懷

愁緒亂無端人情急似湍孤根元有植枉道亦何難獨  
酌不成醉強歌聊自寬世無知心者應謂予不諼

濟上懷曾李二子

辛卯之秋予與二子同有典文之命聯舟濟  
上投分託契自謂百年不圖事變囟囟予承

嚴竄二子亦同日下獄感今懷昔情如之何  
往歲榮持節濟水照斷金事乖成泛梗景是觸沾襟梁  
獄書難達湘流賦易沉銜恩將得罪均是表同心

舟經下邳

風波已習慣忽爾自淒其壯志逢茲地古人難可期  
橋邊黃石在日後素心知俯仰無窮意如何不令悲

壽蔡霞山先生

早向天台隱尋仙度石梁瀑泉晞墨髮巖窟得丹方  
養



性芝苓古問年松樹蒼赤城霞色滿長為薦瑤觴

淮口

停舟淮口望千里暮雲收白浪浮山出黃河入海流淵  
中蛟比室島上玉為樓未即乘桴去難稱是好遊

寶應湖夜泛

四顧但蒼蒼天低湖水長烟分微有樹火滅遠聞榔興  
雲連海岫望斗指吳鄉今日乘槎客猶如到漢傍

廣陵二首

隋室多巡幸，驕奢覽壯圖。  
開天崇綺構，截海定雄都。  
綠水流域闕，朱樓夾路衢。  
繁華何處所，墟社只平蕪。  
前王聞失國，游客欲陳風。  
樓觀飛雲裏，旌旗耀海中。  
一時歌舞散千載，市朝空獨有青天月。  
曾經照舊宮。

聞笛

何人吹玉笛，偏遺怨聲來。  
楚地已衰柳，吳山盡落梅。  
不堪曾僚慄，況值獨徘徊。  
胡必羗城下，能令壯士哀。

詠署中墻下葵花

茲葵敷正色  
韡韡比蕪金  
細葉盈方寸  
修莖聳直尋  
成陰徒衛足  
背日枉傾心  
猶有孤根在  
蓬蒿何太侵

仲冬朔日江行

心想定何依  
搖搖共席飛  
壯圖驚節變  
直道與時違  
跡比虞翻是  
才方賈誼非  
精誠嗟靡託  
捐珮待江妃

贈人號冒浦

家臨冒浦上  
垂老學為漁  
鷗鷺親長往  
菰蒲伴隱居  
伐竿求竹直  
選石愛潭虛  
不曉任公意  
應言在得魚

送人成均卒業還郴州

慕道不辭遠為儒能固窮言觀中國學師事大江公逆  
旅蓬生鬢歸程草暗空明時莫徒老干祿在書中

挽王尚書夫人歸葬

輶車出國門歸葬廣陵原逝水年光盡重泉白日昏鏡  
留將擬貌琴在與招魂不鮮尚書恨將朝無贈言

過梁宅之為郎日故居

草暗蟲聲滿閒庭菊自芳人同川上去書向壁中藏廁

隅經置筆墻隙舊偷光相憶成今古如何不永傷

春日永寧寺山亭顧中丞招遊

烟曉雨初晞亭臯春日輝相從窮宴賞一倍惜芳菲  
柔草纔勝藉新條恰掛衣謝公方愛客日暮不言歸

病後偶爾出郭

忽看柳葉長何言已春深因思閉戶久却悔逃人心  
草色遙迷徑杏花稍變林欲酬過去賞一日一來尋

天界寺後山獨遊

綠葉暗花枝鶯鳴新柳時偶隨芳草興遂與白雲期探  
徑非人到穿林有鳥窺行逢桃樹下路口使心疑

告中送顧膳部赴臬山東

幽居當歲晏無那送君行留滯嗟身世蹉跎念友生似  
茲往來際轉見別離情拙筆歸耕晚高才早勒名

齋居柬劉比部叔正

落月曙窓虛幽人好靜居官無公務擾意與世情疎出  
戶霜塗屋垂幃草上除同聲雖可悅異舍欲何如

訪陳石亭遂初齋中賦贈

先生大隱者在世自如遺樂道尚玄白持心不磷緇閒  
門無客候幽幌對花垂好我忘年少但言相見遲

秋日登鷄鳴寺閣寄友人

峻閣暮躋攀涼風振客顏青天湖外盡平野雨中閒鳥  
度孤雲去人隨落葉還如何屬延佇伐木響空山

題顧中丞載酒亭

寂寞千年後今逢尚白人官非十載滯宅是一區貧酒

癖著書富奇多問客頻空今好玄者懷德不能鄰

詠虛谷別業

高士尚玄虛因從山腹居石泉留洗藥帶草備藏書合  
道遊空寂修心返太初翻嫌鄭氏谷烏用世名愚

寄顧瓊州副使

不見經時久相思越徼深簿書勞吏道猿鳥亂人心地  
瘴應親酒官高祇好吟亦知浮海樂難忘客愁侵

贈唐太史養疾寺居五首



誰道金門貴來叅寶地禪院香燃綠桂池色汎青蓮毒  
龍降沼底善虎戲牀前更有天花落飛來遶法筵  
期君物外蹤解牯暫相從簷際飛輕靄城隅見遠峯行  
吟循軟草趺坐蔭長松已是如愚者何須谷口逢

託身翔鳳陞別業寄龍宮遐心存市裏幽跡似丘中掛  
塵小山桂披襟大地風安知館中史不是河上公

如何天上貴別有世中情舍已皈慈法齋心託化城雲  
衣披籜粉風色泛松聲紛紛車馬路誰識有南榮

齋中遂偃仰卧疾即林阿鳥來窺散帙龍起聽商歌僧  
為翻經難人非問病過此時方戰勝玉體合如何

題司封榮養卷

才子為郎地高堂慶有餘侍食退食後問寢倒衣初露  
為推恩渥日因至愛舒板輿官舍裏天性樂何如

周隱君榮壽卷

明時胡在野懷寶欲迷邦麋鹿居為伍雲松對與雙吉  
星輝上象湛露接西江晚節逢恩幸身過壠上龐

王氏榮壽卷

老向明時隱梁鴻與孟光賃傭身不似舉案德相方彩  
誥雙綸寵華堂四髮蒼斑衣稱上壽歲歲紫霞觴

哭吳懋獻進士久不克葬

寂寞百年身桐棺三寸貧歸程魂作旅寄處燐為隣行  
哭悲妻子冥心托友人殯歌嗟路絕欲唱又無因

訪空同先生故宅

久欲求遺草今來訪故廬北窓存卧席東壁有藏書墨

沼春苔長琴臺夜月虛年年桂花發人擬子雲居

題石氏世恩堂

漢朝宗孝謹明代故家存業有遺風舊恩從得姓蕃裳  
衣陳寢室喬木蔭高門孫子何多美家傳詩禮言

訪顧東橋聶村山庄

先生躬學稼鷄犬數家村種樹因山性穿池得水源  
槿籬晴雨長麥壠午風翻四體不勤者茲聞農圃言

天寧寺

杖策青山半遙遙聞梵鐘古松經幾臘虛殿掩千峯佛  
現瞻龍象僧行印虎踪回心思止託歸路到來慵

場中翫月同顧東橋陳石亭二公

野興夜邀懽閒場十畝寬微風來席上明月出雲端幽  
姿澹水木遠景含峯巒滿天同一色無似此中看

禮部祈雪致齋予以在告弗預東同曹諸君二  
首

羣賢深秉禮裡祓為祈年陪德尚書後修心太古前玄

思通混漠高韻比神仙齋祭迎祥處靈壇夜肅然  
曾是天心遠如何冬令乖治神修禱祀格帝戒明齋華  
省寒陰靜層城夕氣佳誰知陋巷裏玄默與君皆

冬至大祀齋居

霜清天漢沉月白古松陰虛獨看燈靜齋明愛夜深勞  
生因息妄倦客暫安心屢從郊雍駕飄淪底似今

將至豫章道中作

風波晨暮淹復畏簡書嚴坎水嗟行險離方若觸炎為

儒心未效從政事難兼苟且徇微祿聊因免負擔

立秋日發南浦舟中作

火伏金當令流光不肯居天高爽氣外葉下涼風初  
山靚忻明秀江行愛廣虛聊因文牘暇稍復省篇書

哭薛西原二首

今年歲在辰毫上客星淪為蝶真今夢猶龍定宿身  
圖書空滿篋几閣已侵塵憤極憑天問何心生此人

造物意何如伊人果去諸寡妻司几奠門客檢圖書隣

杵悲無相朋總恨忍除百身知不贖空爾淚盈裾

訪西原城南別業感泣二首

堯時巢父隱遺跡華門幽泉石居成古烟花却帶秋魚  
來鳴瑟罷鳥去講筵留桑扈還真樂揚朱枉淚流

數畝城南業依然二月春蟻蜂猶戀主花木總愁人洗  
藥流泉甃繡經供席陳西齋風自啓如意委牀塵

訪蔡廣德道卿未至州數里阻雨留宿田家

草舍託荒陂暝投不自知離心分雨夕同氣阻風期燭



影坐中暗江城望處疑如何咫尺地猶自勞相思

田家書事投贈蔡廣德道卿

行逢野父言情真語率然含生同草木盡力向園田禾黍冬棲畝牛羊夜被阡言終還百拜賴有長官賢

桐川客舍

風雨慘燈光無言坐北堂主人及中夜問我自何方名姓慚難告衷懷暗獨藏殷勤鷄黍惠欲去不能忘

同蔡可泉出游山行紀興二首

招攜樂友生惠我在山行緣崖歷窈窕傍礪鑒深清白  
雲輕首夏黃鳥悅初晴超忽會心處中林草木榮

日出野烟輕流泉處處聲山苗經雨長澤雉感時鳴密  
篠傍潭靜踈花夾岼明正宜吾與爾攜手此間行

登橫山頂上覽州城同蔡道卿

歸翼帶殘霞山城晚氣佳鳴鷄聞四境翔雉遶千家碧  
樹州門靜黃塵市裏譁愁心因縱目共有異鄉嗟

山行於崑谷間見人家

山深交獸蹄往往見巢棲籬落藏茅屋泉源灌稻畦  
芻蕘不出戶桃李自成蹊欲訪居人宿翻虞反路迷

石溪寺

蒙密見山窮林迴忽路通燈懸千樹裏磬發片雲中  
猿嘯來叅定月明出照空即將溪號虎與爾學雷宗

竹山寺

微鐘度青靄寺隱見遙岑香路入花嶼禪房開竹林  
泉流苔上冷山色樹中深吏道非玄理來茲生悔心

宿茅山道院東樓

飛構出空虛，洪喬應比廬。  
松風入夜肅，涼露滿天踈。  
酌酒和元氣，焚香閱道書。  
求仙雖未就，性亦好樓居。

桐川境上與蔡道卿別

攬袂默相看，愁雲慘別顏。  
懽遊同逝水，輟迹向空山。  
分手徒留佩，傷心未賜環。  
風波慎自保，當路少扳援。

同顧雍里訪劉函山郊行二首

東郊芳草色，一徑引征輿。  
非為巡農務，咸言訪隱居。  
泉

清新雨後山媚早烟初此意誰相會惟應君與予  
攜手有佳意逍遙恣遠尋循疆田事美出郭野情深日  
淺平郊色雲多叢薄陰前驅農不變為識上官心

劉函山穫田庄居久不至城詩以問之二首

聞君去不還種田因住山既為百口計兼得一身閒禾  
穗登場上泉流激圃間誰知城郭裏幽興亦相關  
鋤鳴秋穫急禾黍積如墉富向隣翁說穰因嘉歲逢行  
園朝見汲歸舍午聞春予將還壠畝先此問為農

送周石崖給事治魯藩獄事還朝二首

漢使持明法周親感聖衷  
飲冰心對日偃草德從風  
折獄片言下回天敷奏中  
不須焚文字梁牘一為空

時輩讓才雄高誼古人中  
陳詩傷魯道覽俗見齊風  
登岱諸山小探洙衆水通  
歸朝思獻納應有發宸聰

劉函山田庄宴集同顧雍里三首

言駕出尋君暫因屏世氛  
不忘鷄黍約鮮與康鹿羣  
比舍垂青柳前山起白雲  
相看同此趣無以仕農分

白日永留懽田園勝事偏盤飧  
兼野簌厨火雜村烟逸興看中  
聖高談接上賢相忘賓主意留  
滯不言旋向晚西郊密脩然野  
外秋土膏含雨潤山氣帶烟流  
故道牛羊反前林鳥雀投猶言  
明月好其奈促鳴騶

晚行趙家園

川廣片帆懸輕霞欲暮天蓼花  
明遠岸蘆葉隱低田風起青蘋  
上雲歸白鳥前元多山水意對  
此自悠然

舟中夜坐

扁舟凌浩渺水色暗連天宴坐深明燭寢眠滯簡編  
閒知爽入膏續悟更延感候傷羈思勞歌中自宣

彭蠡湖

蒼蒼彭蠡綠大水屬時秋遠勢長天接搖波元氣浮  
數州居下浸千嶼出中流桂棹蘭為楫吾將恣遠遊

宿湖中

蒼茫烟景晦舟楫自如家宿處隨鷗鳥秋初惜月華  
遙心連浦鴈歸夢滯江花為客誰知者踈燈水一涯



饒州公署

蕭條人吏散孤坐發深思  
草色新涼重蟬聲落日悲  
言忘觀物處心靜閉門時  
道在無形累求閒翻自嗤

署中讀書

雨散空堂靜褰簾微月初  
古人聊取對塵事自相踈  
曲几螢光映殘編蠹跡餘  
不緣嫌簿領飾律用經書

南康公署

城荒民俗簡理事日恒餘  
寂寂公門靜蒼蒼高樹踈  
庭

陰深晝晚山氣淡秋初跡有浮名累心空自宴如

南康公署十五夜月

迢迢三五夜江郡影星河積水生涼氣空齋興晤歌心  
微千念寂室淺一燈多不酌盈樽酒其如月出何

十六夜月

今夕月如何山風江水波升輪依嶽頂流鑑度簷阿光  
射棲烏起寒牽鳴鴈過紛紛羈客感來委此宵多

檢荒行田野中

秋巡躬適野不給愧民康嘗饁知非旨觀場愁大荒行  
間除茂草息處就陰棠老稚無驚避吾來省爾方

靈溪觀

自憐何所為無事亦囟囟混俗因知性過時始養蒙石  
池涵谷水山徑滿松風欲悟觀心理桃花幾樹紅

白鹿洞見張東沙壁上留題

登高能賦者到處有新詩草木留光寵雲峯發詠思護  
持山鬼力指說野僧知大賢難繼作吟玩但嗟咨

遊白鹿洞歸道中作

巖壑變陰晴歸途風物清  
斜陽銜絕壁微雨過高城  
草動含秋意蟲鳴急暮聲  
明朝勞簿領應自想茲行

開先寺龍池

千盤轉石林碧磴帶雲深  
空谷迷人足澄潭湛我心  
分流常活活積氣自陰陰  
一濯清涼水都忘名跡侵

酌開先寺泉

源出迷窮處何年流至今  
分來青竹細汲去白雲深  
香

共曇花散涼疑覺露侵已知無內熱且復一瓢斟

東橋顧公巡撫湖南行部至衡州縱遊南岳某  
聞而慕之二首

中丞行問俗南岳待題文草木巡遊發江山覽顧分莫  
椒祠赤帝指竹弔湘君霜氣凌朱火千峯紫翠紛

好遊晚益耽身到楚天南勝跡摩崖刻竒文覽記探高  
僧留與偈野客偶成談更有名書寫藏山副石函

東橋公既登衡山集所制作成帙名曰登衡小

記遠辱寄示時予適行部南康受而讀之有  
張孟陽之思

登高能作賦大雅感予襟氣敵衡山峻思涵楚水深覽  
圖垂往跡諷詠發馳心猶因廬阜對稍緩四愁吟

曉發建昌

侵曉戒征衣嚴城未啓扉鳴騶遙即路徒御靜相依歷  
歷星初散塗塗霧稍稀身隨車轍轉心事悵多違

宿武陽驛同陸毅齋憲使

天秋風雨急山驛易黃昏疲馬依殘櫪衰楊蔽舊門沾  
塗憐潔服舉火愧空飡稍緩孤生感幸蒙終夕言

德興縣晚發黃栢渡遲陸憲使

旌騎參差發思君不得俱應同殘月影只隔碧山呼雜  
樹臨溪口停車向路隅舟人催早涉不識我心須

德興縣八月十五夜月簡陸毅齋使君

夜久雨聲歇微微簷影過攬衣聊出戶飛鏡掛明河庭  
隘留光少林疎見影多非因清晤闕何以發予歌

遊梅巖洞有仙人井竈田爐丹室之類

松老白雲遮仙人亦有家  
鷄飛殘砥鼎玉化遍成沙  
石上烟霞古爐中日月賒  
暫來還出去蒙笑洞前花

宿武陽民家

一室踈燈夕百思擾客懷  
草蟲鳴暗壁槐雨滴陰堦  
狗祿今謀拙躬耕始願乖  
病身應自計歸去守荆柴

滕王閣

前王歡賞地棟宇已成空  
惟有西山色還將舊日同  
夷



猶臨短檻感歎對長風  
世事匆匆裏江流自向東

滕王閣再作

偶為逢迎出聊因一振衣  
鳬鷗閒泛泛島嶼遠微微  
芳草前人路寒潭落日暉  
西山舊時雨還向捲簾飛

薛家樓

高樓頻徙倚白日滿山寒  
霜落章江淺雲收楚地寬  
鴈聲深坐思草色起憂端  
擾擾城闌內還從靜處看

由撫州之建昌道中宿山寺

客行亦已倦怠足擇山深月色空香徑清宵宿道林蒼  
松多古意流水有餘音釋子一相偶聊忘生滅心

再出武陽宿前民家

秋原衰草遍投館日黃昏駑馬知徑道空山向舊門農  
人依鳥隼吏卒偶鷄豚坐席無爭者猶慚道未尊

丹霞觀

閒行隨鶴引不覺入雲深幽壑絕來跡桃花開滿林山  
香知藥草谷響識靈禽欲問採芝老人間不可尋

信州皇華亭

誰識悠悠意寒流對寂寥閒禽遵水曲過棹入風謡細  
雨青山映繁霜赤岼凋門前來往路坐使歲時銷

信州登城樓

樓高身出地稍見山川遥飛鳥青天廣平蕪白露凋孤  
雲歸涵岫千畝長秋苗周覽乘時暇忻茲土俗饒

訪黃九潭太史留贈

問君胡在野遺世自經營一廛依水築百畝決泉畊移

竹供魚釣栽梧待鳳鳴  
深源終不起其奈此蒼生

芝山亭

亭子倚岩窈幽意坐終朝  
遠水孤帆滯長天一鳥遙  
叢紅霜樹葉片白楚江湖  
浩蕩烟波去徒思蘭桂橈

寄胡始興子中

折腰不能去悲汝愧陶潛  
古意時人背高才下位淹  
賢微數口餓客久二毛添  
但遣孤根在還因雨露沾

過寧庶人故陽春宮

邪陌轉城闌重門曲水濱人談亡國地花發舊宮春  
冷空梁月歌銷積棟塵堪悲當日事議譏帝家親

滕王閣獨坐

吏跡苦拘急幽期與賞違江頭時獨往閣上每忘歸  
綠水流垂幔白雲落振衣祗緣機未息猶使鳥驚飛

南昌有湖水流城中會府屬當其左每晨趨府  
行於湖上執事倉卒無遊觀之致

不遠人家路湖平水且清涵虛浮萬井倒影浸層城  
垂

柳堤邊映輕鷗波上明可憐趨府去日日傍湖行

哭陳石亭

樂道方遊世胡為遽不留重泉獨往路天上正成樓  
載酒將何問遺書不可求堪悲江左地一旦絕風流

豐城縣感張雷得劍之事作

昔人求寶劍絕識理無違此地聞言是今來滿目非  
空餘埋後土不見斗間輝神物終難測知從何處飛

送劉西坡後再至滕王閣賦此奉寄

蒼山西面色高閣遠含風舊賞人何在今來事不同帆  
飛江路永鴈叫楚天空徒把盈樽酒因書寄浙東

賦得豐城劍贈李古冲之滇南

豐城埋匹劍水土養金精九地深藏鐔千年始發鏘在  
天生斗氣出匣作龍鳴志士腰間佩偏令萬里輕

遊紫雲菴至上中化成寺山中獨行遲同遊薛

陳二子

閒行隨去跡獨往昧前期流水時相引空山只自知香

烟松際裊暗雪竹間滋兀坐深林晚中心有所思

發東林寺登廬山絕頂還過寺中留止

年來知靜理在世比虛舟偶此同生滅因之任去留  
色空廬阜起禪定虎溪流已矣東林社長廊擗葉秋

德安公署雨中書

荒齋掩夕景倦跡苦淹留細雨同寒意空山向暮愁  
逢迎還自懶鞭撻底增憂抱此微軀病何能為世謀

蔣雙橋方伯行部德安予適以事至而公已發



南康走筆奉柬

離抱易為感復此芳春時  
雜英委閒地好鳥弄高枝  
坐惜歡言阻空令淑景移  
方聞整駕去惆悵予來遲

德安雨晴書懷

日出照空林堦前流水音  
訟庭鳴鳥悅書几落花深  
遙憶故園草萋萋何處尋  
堪悲貪寸祿虛擲此光陰

書懷答彭石屋

已悔為人學還因世網留  
行雲時出岫逝水偶成流  
事

簡知無術交疎悟寡儔方將齊外物竊比我蒙周

德安道中書事

百室山中邑觀風見俗淳土膏時雨發田事暮春新鳥  
雀鳴爭食鷄豚性近人前驅行且緩方此問農民

由德安去廬山只一舍而予以事趨省不果再  
往

憶在南康郡一拜匡廬君濯纓瀑泉水長笑石耳聞正  
擬佳遊再其如塵事紛去茲知不遠空返欲何云

聞蟬

陰氣南方早聞蟬  
三月中聲微猶隱樹咽短不從風亭  
館人初散園林花頓空  
羈遊濶行樂亦自惜春終

雨晴西齋期薛廣文仲常

雨餘春閣冷初日麗高臺薄宦勞趨走佳賓濶往來  
苔生將被徑花隕欲成堆此際心如結非君誰為開

觀陳兵憲射

夫君文且武置酒更張侯  
弓彎孤月滿箭去一星流  
廣

野三軍覩空天百鳥愁眼看中自激青管更堪投

詠雨中庭樹

庭前嘉樹色獨向雨中榮脉脉全根本欣欣見性情烟  
深因洗翠風至自成聲方惜一暴少難為萌蘖生

行園

時雨資生養行園覽衆芳鳴鳩盈畝綠翻蝶遶籬香抱  
甕將根沃植援助蔓長不窺今已久豈為下帷妨

登江州城從中丞王公

雨餘草木新節鉞寵行巡飛雉隨驄轉啼鶯喚隼頻軍  
容觀楚卒國姓記江人清霜飄大路萬里靜纖塵

豐城縣長至日

歲晏勤王事鄉心擾客居閉關當此令行路欲馬如江  
淨霜飛後城開日出初署齋頻眺望雲物正堪書

至日慮囚憲府呈方伯庄潘壺南二臬使

立戟府門清持書人吏盈平持三尺反助取一陽生布  
令逢周正援經覽呂刑恠來霜氣重驄馬在江城

九江夜雨示薛廣文

稍稍空堂暮羈心自不聊  
踈燈生寂寞寒雨對蕭條  
木落歲將晏鴻鳴江正遙  
清揚居室遠誰與永今宵

建昌道中舉火於豐安堆亭與邑博陳嘉賓談

斜日堆亭陰茲言在野深  
臨食因忘肉獨酌更知心  
道與中人語身宜下位沉  
昔賢傷不遇非獨子如今

陳子文行

並修而為有司所失  
久伏儒官故歎其屈

陳州道中同胡叅知作

宛轉陳郊路株林碧樹盈中天炎日盛向夕雨雲生共  
酌清泉飲相從大道行才微慙負乘將子載同征

項城道中與叅知並馬

芳郊聯騎出錦轡結同心屢截清溪渡時穿綠樹林覽  
觀乘時暇笑語避人深職事多離濶貪茲共寸陰

予以事由陳趨項周梅崖叅知方自項還皆以  
夜行造次相逢頃刻而去

多事窮奔走幽襟待細論如何逢路側還向夜中分色

笑匆匆接清言悄悄聞勞生元易感況復覩離羣

五月五日浴起作

芳蘭浮小鼎燃用桂為薪初暖聞盈室微和接澡身形  
骸元土木時節且槃巾雖然新浴後未振故衣塵

壽方隱君方本新安世族今為臨清人

豪宕去鄉井高門衛水頭太和莊叟馬生事計然舟齒  
髮占難老琴觴慙好遊陶然天地內得性閱春秋

遵巖集卷四



欽定四庫全書薈要卷一萬七千六十二

集部

遵巖集卷五

明 王慎中 撰

五言律詩

送陳學顏辭親應舉

却歛黃香扇行穿季子裘書將隨計吏富且謁諸侯舍  
館鳴鷄夢闕山叫狖愁明珠光照乘莫向暗中投

送謝生詵辭親應舉

閩楚千餘里歸程草色通鄉人推射策嚴父教移忠問

絹親闈裡題詩客路中漢庭方愛少去作一終童

送陳邑博子秀才辭親還家成婚

成器專攻玉傳經勝遺金日辭鱸館愛春動雀屏心執  
鴈將脩贄求凰或弄琴遥知扇枕戀情不滯鴛衾

春雨東徐山人客居

春風忽已滿客子亦何心雨長新菊價泥荒車馬音聞  
堦侵草遍濕突起烟沉更有關情樹窻前滴夜深

丘少泉卧病山中作詩見貽用韻奉答兼以候

之

憐君卧病久枕上過芳春  
山色翻欺瘦鷺聲總喚嗔鵬  
占休臆對蛇壁易迷真學  
取無生理心中滅盡塵

送李一泉往惠州推官

懷牒持三尺分麾佐百城  
溪山輕瘴癘風氣就開明  
石埭由來美豐湖自昔清  
龍川經過處一弔尉佗營

挽故石埭尹尤先生

彭澤居官放黔婁謝仕貧  
松筠方傲晚草露忽輕晨  
喬

烏長飛去潘花永不春祇餘琴調在空閉匣中塵

東程郡侯卧病二首

求瘼何其急起居翻失常言多詢利病心苦犯溫涼署  
牘將方檢尋醫與吏妨元元資卧理此地即淮陽

交戰知曾勝胡為蘭疾嬰違心牽赤紱勞已救蒼生舍  
晚榕陰暗樓昏蜃氣明抱疴因閉閣一使訟風清

送黃南池

歡遊不覺久相送忽成悲嶺外少來往年畏別離更

無叅玄理誰復賞新詩千里看明月應懸兩地思

送李拙脩歸鄱陽二首

拂衣從此去歸興一為談藥譜新將著農書舊所諳  
言持手塵睇髮廢頭簪相訪欲知處應之柳市南

道氣如君盛心期與我談妻孥能共隱雞犬亦相諳  
木榻坐闕皮冠削竹簪蠡湖烟水滿更向蠡湖南

唐婁江明府邀遊九日山同黃竹溪東石二公

四首

夫君善為政自鮮簿書情張幕人皆覩傳杯吏亦清花

衝壺矢落雲逐鳥絢生造次成遊賞應留此地名

最有登臨賞兼之賢達俱落英粧藉草鳴鳥勸提壺古

寺藏林表輕霞映海隅青春垂欲暮莫遣興情孤

簪為襟期盍搏同名勝攜蔦烟陰白石花水漲清溪佳

卉當春發嬌鶯近酒啼如何更辭飲斜景竹林西

處室何其迫坐為城郭拘稍看山色遍頃使俗情無此

地寧須買今茅即可誅且將狎鷗意暫爾伴飛鳬

遊五老峯四首

積有耽奇癖登山好問源不辭千嶂迥獨訪一峯尊飄  
袖連飛鳥攀蘿學掛猿纍纍岡阜起坐閱盡兒孫  
悠然獨抱此含意在乾坤陟險消多病尋真契寡言桂  
叢冬亦茂石室午方曠倚杖神凝處泉聲樹裏喧

茲山尤物衆一一恆遊盤芝可充饑茹蒲堪結坐團題  
詩生葉大濯足有泉寒由來吾所愛欲道與人難

歎息煩囂久幸然未白頭靈藥非難得名仙或可求金

光叢裏映玉乳石中流回首顧妻子真堪敝屣儔

別業雜詩四首

小築無餘地大觀別有天窓中含遠岫屋上響流泉高  
咏時題葉閒情偶弄絃興來何不可寧復惹牽纏

山人向客歡此地日如年不悟幽閒永翻疑晷刻偏蕭  
條機事淺澹泊谷神全始信樵山頂爛柯非妄傳

旭日照春山山春物色妍鳥聲多在竹花氣欲成烟辟  
長新修路池深舊引泉佳時將靜處人意自悠然



孰知遺世念不在去人家徑任青苔占堦從碧草賒朝  
朝娛覽詠物物稱幽遐莫恠迷秦姓春來桃已華

訪友人山房留題

恠爾沉冥甚時常出入稀以茲廬可愛肯使願空違隱  
几烏啼急披襟風到微營營予亦厭將此共局扉

病中漫述二首

一生十九病坐使廢居諸日日求醫術朝朝理藥書家  
人憂即死朋友恠何踈世情真已矣吾道竟焉如

頗得病中趣未嘗苦不堪床頭看卷熟被上作書耽交  
息寧須請禪忘忽已叅何日稍能起門生擬昇籃

病中柬可泉與可泉別久極思一見而病不能  
往情見乎詞

末由披宿霧空此挹高風病意翻增劇交盟始信窮世  
情經歷後心事寂寥中知爾欲相見而今只一翁  
可泉相訪病不能見

爾來歡晤少伏枕過馳駒有客方銜使多情願病夫柴

關非固閉藜杖自難扶坐席何曾割終然出處殊

友人下第還家

西上又空返悲歌易水曛有司輕失士無路達明君莫  
嘆家如罄還看鬚似雲南山當日霧猶可養奇文

病中李君度見訪家僮絕不為通走筆東之

閉關非為疾性本好沉冥論學刊中說修形正內經訣  
從靜者悟語忌俗人聽已戒應門畢君方來叩局

章三洲以侍御謫推興化府叙復揚州郡丞二

首

維揚風物好不比漢長沙  
半刺官雖冗量移渥已遐  
蛾眉空賈妬白璧本無瑕  
好取原冠拂朝中待觸邪

叙遷猶佐郡恠爾意能安  
祇有簿書急誰當禮數寬  
高才宜見屈枉道亦何難  
雨露清時澤無為薄一官

送宋仲石赴召二首

洛陽橋外路萬里指長安  
鳥向天中去琴留海上彈  
龜文頻撫劍羊角欲生冠  
相送情無已寧因感遺肝

國興知有象君去莫傷違已設諫臣賞因徵良吏歸九  
閣非虎守五位見龍飛美錦今成製還堪補帝衣

遊清源山二首

取路非高足入山力復餘所長元有適於計未為踈高  
見羣生擾閒看四體虛堪嗟二畝半促促邑中居  
城中長日望翹首起遊思如何咫尺地動以歲年期忽  
覩草花喜終遭猿鳥疑明歸應復望惆悵使顏衰

清源山紫澤宮

畏景在城市聊茲息茂陰攀躋不覺遠依止自知深石  
上消氛氣鐘前起悟心宿非如可謝卜築請從今

上洞宴集二首

千峯最高頂上客敞芳筵心豁雲初散形忘酒易傳滄  
溟侔洞達城郭俯紛闐一與豪賢飲翛然病已捐  
憑高張讌好嵐翠滿軒楹杯泛流霞氣絃含漱玉聲魂  
消遊目遠日入發談清情深寧在酒不醉自非情

清源山獨行諸峯示同遊諸子二首

洞壑杳氛氲中間紫翠分興來祇自得獨往有誰羣  
激射風前瀑孤高天際雲心賞悠然會何由與客論  
人世多浮變高山自蒼然因茲修杖屨暫得解微纏  
白石無塵滓青松有歲年每逢偏迥歷佳處正難傳

遊清源山同洪芳洲二首

曰余懷素志將子有知音即茲山與水何必絃鳴琴  
捫葛亦同榦酌泉時共斟無言徒脉脉相偶意彌深

同病本相憐遊攜接勝緣短筇遞間執兩屐對分穿逢

石呼俱坐探經覽共研不知形已黜目擊兩茫然

園廬閒興

積雨端居暇翛然愛一園菊如陶徑茂瓜比邵畦繁暑  
退風歸樹秋深潦壤垣城中少閒客誰復到吾門

題黃墩書屋贈陳玩潮四首

疎林半畝分自築一經堂衣典充書購帷垂任圃荒諸  
生來卒業千里有持糧取適絃歌暇尤難忘歲芳

之子鶴鳴意行吟祇在陰四山低戶入一徑隱花深蟲



響長依砌鶴飛知返林一聽希瑟調自見卜居心  
微溪日自行蓬藿也難生不受故人薦欲成處士名環  
堦無惡草幽鳥有佳聲過爾輒難去貪茲養道情  
習懶非吾性胡為常閉門本嫌塵世事獨好古人言  
暗螢來照庭風葉自翻壯年在明世慎莫苦辭喧

蔡東洛夜坐

共坐高齋夜蕭然息衆喧月中星盡隱竹下露偏繁  
久厭時人語今逢長者言非因憐夙好何自顧柴門

和吳岱麓通守秋夕有感之作

高才嬰世網懷抱曠難儔  
少輟簿書暇還悲時序秋  
朱絃徒自撫綠竿有誰留  
搯觚娛永夕心跡見悠悠

和胡雙華郡丞郡齋言懷見貽之作二首

為郡多詩興高人繼謝公民  
和官府簡花落訟庭空暮  
閣侵簷雨閒牀掩帙風  
此時鳴鶴意自與在陰同  
何事專城貴偏多懷土心  
題詩常對吏寄興在抽簪  
長物看青組幽期覽素琴  
愧持巴里曲欲緩越人吟

郡侯方西川與錢塘縉上人雨中郡齋夜談走

筆奉東二首

政理日清淨郡居類化城雲峯簾外變雨氣署前生淅  
瀝琴書潤蕭條几簟清夜深懸溜急法辯自同傾

不為學無生心閒物自平高僧輕遠至好雨正時行雲  
起蕪慈色水流帶覺聲始知符竹貴元有錫緇情

和吳通守夜月思鄉之作

海邦亦共月何事憶荆扉偶見如環景能堪碎壁輝羈

心因自感高詠覺聲希莫自思鄉切還看承詔歸

聞縉上人遊清源山

高僧真避俗為客也耽山路向樵人得身同錫杖閒泉  
源當夏冽蘚色閑年斑遙憶孤燈影留光萬壑間

病中柬縉上人二首

夏日多榮木凋傷感我生拘拘徒自笑炯炯欲何營已  
覺芝苓誤無由羽翰成三尸如可僇願假伏魔兵  
伏枕不知久庭柯綠已蒼以茲時序感頓覺圃農荒養

性資琴瑟達生覽列莊今將未死骨齋沐付醫王

送唐婁江赴召二首

帝心嘉勞來戶口不虛增負展方思治璽書遂見徵簡  
求青瑣入意氣皂囊勝莫倚鸞凰志今當作鶚鷹

吏民看解印未去已堪思魚棄皆長尾花繁故暎枝攀  
途車屢滯出邸橐空垂欲佐薰絃曲一琴行復隨

周石崖督學擢廣西叅知寄此送之二首

在楚卿才盛如公更絕倫雲夢胸自有岵嶺氣常親陶

鑄看多士綏懷託遠人九嶷遺跡古一為訪虞巡  
道術陳良是丘墳倚相親章縫探奧室文物起來塵變  
豹方成蔚靈蛇盡握珍還將今禮樂往靖桂嶷人

元日訪青門月臺寺寓處坐談竟日

無事緣長病似君在客邊椒花休頌酒柏樹共談禪歲  
律風微覺人天語自玄香聞應有悟景晷未言旋

元夕東青門

星宿爛山城人家正競燈微霜資照燭皓月見侵凌遇

節心猶勝追懽病不能問君今夕興還似少年曾

十六夜與青門談

四面歌鐘起華燈燦月光  
柳梅微辨曲桃李窅凝粧  
誰向家中坐爭看陌上狂  
獨餘吾與爾相對在僧房

青門卧病走筆奉東二首

一戶閉香林高人此定心  
夜深童子睡庭際草蟲吟  
蓮界除腥氣珠光照瑩襟  
他人徒問疾吾識爾陸沉

獨宿青蓮宇昏魔胡未降  
伏床迷界色稽首禮幡幢  
冥

力瞻燈影殊香到藥缸冷然醒睡頃微月在前窓

青門將歸走筆奉留青門寓學上人精舍而與  
郡侯友也故詩援上人與郡侯以留行二首

如何好遊者歸興起秋風言躡初來屨欲隨東去鴻林  
居方得伴賓館遽愁空且伏狙猿性相從事遠公  
縱有思尊興能忘伐木情垂簾常整暇下榻自高清  
茉莉花初放荔枝實漸成少須知臭味歸詫里人評

雨中柬青門



層城晦風雨穹宇迷昏朝陰翳方驕恣市塵乍沈寥九  
衢橫潦溢千樹隕芳飄勞想伊人阻真如隔水遥

送青門二首

惆悵溫陵酒與君不再持高情隨地勝孤跡閉門思落  
日人方遠芳郊意自遲從茲三徑杜吾亦懶吟詩  
林下非無客新詞誰與吟一朝風袂解千里暮雲深猿  
鳥娛征路荒茅掩故林殷勤題贈句聊欲比兼金

題徐氏溪亭四首

高亭虛出水結構若天成波蕩垂簾影窓留過舫聲樹  
低看岸遠風細覺湖平自有芳洲杜含滋日日生

渢水日悠悠虛亭壓水頭棹歌喧極浦峯翠漾中流每  
夜偏多月長天只似秋更添幽事併繫柳木蘭舟

飛鳥點青天驚魚跳錦川簷欄相照映空水共澄鮮草  
際分臯陸烟中辨舸船有亭佳若此真覺主人賢

善占風物勝心巧更多奇軒楹翻別製溪壑發幽姿眺  
迥開窓小臨清累石危城中池館盛坐使廢招隨

題張封君南園池亭四首

卜築初掄地，謀懽不計錢。  
嵌巖驅到石，漲沼引來泉。  
花氣長薰酒，禽聲每度絃。  
溫陵風日好，更向此中偏。

別業借恩光，臺池草木香。  
玳梁棲燕子，錦石戲鴛鴦。  
荷密魚難聚，花繁鳥易藏。  
如何堪比勝，金谷在河陽。

人寰開徑遠，平地覆山危。  
薜荔緣青壁，芙蓉冒綠池。  
嵐烟縈几席，波影蕩簾帷。  
更有封君樂，千頭橘樹知。

愛茲城郭內，丘壑趣留人。  
曲徑泉流遍，孤峯雨洗新。  
藂

箕寧受暑衆卉自知春好客常開宴高軒來往頻

送滕生還吳滕乃葉郡推之客

不辭為客久所戀主人賢郡閭同蔬食歸囊倒俸錢  
猿催去馬江月照鳴舷自說慙干謁家原有薄田

挽楊翁

已傳不死訣竟返無何鄉邦人來赴哭隱者去云亡乍  
見堂帷設應無隣杵相煉精成鶴化千歲一歸翔

挽黃母

三十未亡人能甘集蓼辛歸逢地下面不媿嫁時身閤  
閉窺帷月梁餘點鏡塵拈捲諸子廢口澤自如新

挽貞惠王母許氏

罔極嗟令婦斯人獨可欽茹荼明苦節對月比貞心養  
有潛移水生無強委禽堪悲川逝底別劍復相尋

挽陳子貞秀才二首

子淵稱短命汝復弗如回庭對曾聞禮公車未召才芳  
蘭翻自藝玉樹易先摧堪悲垂白父老有鄧攸哀

皇天聞與善之子命何艱種苗徒見秀覆簣不成山賦  
鵬棲門外書螢戀案間遙知為蝶樂夢去竟忘還

哭蔡從祖秀才

早歲承家學新文冠士流河東未獻賦地下忽長遊慈  
父傷蘭樹佳人詠柏舟千金聞買駿縱死也應收

挽周蹟山周以諫杖死四首

萬事真長已孤生敢自私批鱗當逆處收肉在寒時復  
衣仍赭服正寢託丹墀片玉今埋矣無因諫用尸

牽裾難動聽攀檻竟徂生信是百年速須知一死榮  
雨揮行路涕風慘挽夫聲莫作逝川嘆能留不泯名

玉碎姿猶潔蘭摧性亦芳歸根辭雨露埋質罷珪璋  
車飾看如柳山形見若堂只愁餘憤瀝燕地暑飛霜  
降魄茲鄉返精魂何所依芻靈疑榜吏幽域訝園扉  
白日終無照青春更不歸天心垂涕泣寒雨載途飛

陸檢校歸櫬作此送之陸揚州人

只說宦遊好寧知客死哀  
衣重官長襖木美邑氓材  
山

迥銘旌遶天長細雨來揚州生樂處今作鶴飛迴

挽侍御粘滌樓公

介節如絃直貞心比栢葱觸邪冠掛早諫獵草焚空几  
篋無長物田廬有素風至今漢庭上猶說避花驄

挽王僉事二首

防江千里險露冕百城開惠澤洪流遠狂瀾勁節迴世  
情方忌直天道亦妨才湖雨紛紛送荆人挽些哀

近日看流輩似君操行稀守官遭吏議久宦有兒饑處



室無長物附身惟故衣生平違握手沒後涕偏揮

揚蓮渠先生移居

長貧易徙家蓬轉類生涯隣壁燈堪借市帘酒好賒捲  
簾攜舊月帶石走孤花與室知難入非關隔絳紗

挽徐宜人

桃葉宜之子瓠犀詠碩人已無蕢實在空有襃衣新寶  
鑑誰臨匣羅巾自掩塵夫賢兼子肖入地也含嚔

送杜松江先生之岷州肅藩教授

不識岷州遠千峯費馬蹄濫觴江水小分首隴山低雪  
含盤古始路盡坎方倪王門裾曳樂應忘在天西

挽許三浦

辛苦三冬足奄驚萬事非窮途山子蹶斗暗莫邪飛返  
魄茲鄉降游魂何處歸心悲廣陵散無復鼓瑤徽

挽蔡司成夫人丁氏二首

桃葉宜家日標梅育子時問來貯雜佩佐學喻機絲扇  
掩月臨匣衣藏風舉帷蘋蘩今罷采空復澗濱滋

偕老願嗟違茲辰遂並歸劒從泉底合燈向地中輝山  
雨沾容翬江霞變闕衣如雲車馬從其奈昔時非

送蔡東洛赴銓改官二首

寒氣驚嘶馬離人起戒晨清霜沾勁草修坂滅流塵為  
吏儒衣舊謝官行李貧長安留滯處當路欲何因  
不耽數斗米高意似淵明來往都乘化榮枯豈吝情雨  
中孤棹去膝上一琴橫舉世知音少希絃何用聲

送朱肖簡

分得寸銅印新從片玉科平生優禮樂此去定絃歌嶺  
驛出門遠江帆破浪過縣人流散處還集日將多

送比部史應之使還入京史以使事便道過家

長子娶婦而太夫人褒封之典亦適至二首

榮宦值明時光華併遂私勞王欣有暇醺子慶多儀使  
節驚隣里天書寵恃慈一心知報主還闕自難遲

想見燕京路秋風隨馬歸朝端須奉復即位待光輝入  
省名應盛趨班影乍稀鄙夫何所慕之子振音徽

送龍南岡之貴州兵備僉事二首

欲識宦遊壯須知王土遐  
鬼方曾伐國人跡比趨家梯  
路通酋費力耕履籍畝朝駟  
開祚盛今日未須誇

繡斧乘朱輪要荒識使臣  
火雲千箐日花瘴四時春  
蠻語譯難曉夷心義可馴  
簡刑兼靜武坐使遠人淳

送王堦齋守贛州二首

兩水流成贛圖經記郡名  
分符君出守共理帝憂氓  
好古今當用酬知在此行  
佩牛應賣盡驅向甫田耕

露冕何其貴安車朱兩轡凋殘方待牧命數豈徒尊偃  
草知風尚烹魚悟政繁君心已如此相別更何言

寄贈陳侍御按嶺南二首

繡斧下青冥共瞻執法星照人懸藻鏡游刃發新鋤令  
捷風行草威疑蟄震霆炎流千載地一旦洗氛腥  
百粵叅殊俗六條握漢綱驄行真到海猿呌亦驚霜吏  
有捐黃綬人皆識皂囊仍聞攬轡暇搦管擅詞場

壽陳西軒令尹

百事不關身一心專養神看書多得意中酒是全真陰  
德覘眉采壽徵卜耳輪門前五楊柳長閱歲華新

聞家兄途中得疾二首

平日親庭側未曾曉出門如何遠遊興不記垂堂言藥  
物應難得醫方孰可論祇將愁與愧送目望賢昆

遠道傳安否難知消息真思深翻惹惑望極轉傷神訪  
市將求卜行途屢問人莫言憂畏甚手足是天親

莆陽龔生名應龍號潛于

神龍神不測勿用為時屯沕穆形難偶深潛德可論知  
機猶戶坯好遯是泥蟠問易將因爾又忘得象言

遵巖集卷五